

Pagpangita sa Pagpabuhi

ADLAW 2 — PAGHAKGUM SA GASA

“Unsa kadako ang gugma ni Cristo kanato.” (Efeso 3:18).

Pagdawat, Pagtugyan, Pagtubo

Unsaon nato sa pagsinati sa kabug-osan sa gugma sa Dios? Basaha unsay giingon sa apostol Pablo diha sa Efeso 3:14-21.

1. Una, kita nanginahanglan sa pagdawat sa gasa sa Balaang Espiritu. “Busa nagaampo ako kaniya nga hatagan niya sa gahom ug kusog ang inyong espirituhanong kinabuhi pinaagi sa iyang Espiritu” (bersikulo 16).
2. Sunod, kita nagatugyan sa atong mga kinabuhi kang Cristo ug magkinabuhi diha sa usa ka nunot, mapinadayonon nga relasyon uban Kaniya “aron si Cristo magpuyo sa inyong kasingkasing tungod sa inyong pagtuo” (bersikulo 17).
3. Unya ang atong pagtuo nagatubo ug nagahamtung pinaagi kang Cristo ug sa Balaang Espiritu sulod kanato. Kita “mogamot ug molig-on sa gugma sa Dios” (bersikulo 17).

Ang resulta? Kita makasinati sa kabug-os sa gugma sa Dios. Siya nagahatag kanatog gahum aron “kita ug ang uban pa nga mga katawhan sa Dios makasabot kon unsa kadako ang gugma ni Cristo kanato” (bersikulo 18).

Ang Gugma Sa Dios Mipasar Sa Matag Pasulit

Hinuktoki ang sambingay sa Mausikon nga Anak diha sa Lucas 15:11-32. Usa ka adlaw ang manghud nga anak miduol sa iyang amahan (nga nagasimbolo sa Dios) ug nagpahayag nga siya buot mobiya sa puloy-anan ug magkinabuhi sa iyang kaugalingon. Dayag nga ang mga balaod sa pimalay sa iyang amahan (kasugoan sa Dios) dili sibo alang kaniya. Ang anak nagbungat sa iyang panulundon, diin siya dili gani titulado sa pag-angkon nianang panahona, busa ang amahan naghatag kaniya sa iyang bahin. Ang amahan naghatag kaniya og bug-os nga kagawasan tungod siya naghigugma kaniya ug nagtahud sa iyang pagpili (ingon gayud sa gibuhay sa Dios kanato).

Unya ang anak mipanaw ngadto sa usa ka halayo nga dapit ug nagpatuyang sa pag-usik-usik sa iyang kwarta diha sa mga hubog-hubog ug mga burikat. Sigon nga ang kwarta mikunhod, ang iya mga “barkada” nagtikagamay, ug sa katapusan wala na siyay nahot. Sa kadimalas sa sugilanon, may kagutom niana nga rehiyon diin siya nagpuyo. Naningkamot nga mabuhi, siya nangitag trabaho, apan ang bugtong trabaho nga iyang nakaplagan mao ang tigpagakaon sa mga baboy. Ang kagutom nagpaantos kaniya, apan dili ganil siya pwede sa pagkaon sa tubong sa baboy.

Ingon nga sagad nagakahitabo atol sa kalisdanan, siya nagsugod sa pagpamalandong sa iyang kinabuhi. Siya nakaamgo sa tanan sa mga trabahador sa iyang amahan nga may igong pagkaon samtang siya nalunoson, busa siya nanumpa sa pagbalik ngadto sa iyang amahan ug nagaingon, “Amahan, nakasala ako batok sa langit ug sa atubangan nimo, ug dili na ako takus pa nga pagatawgon nga imong anak. Himoa ako nga sama sa usa sa imong mga binayran nga sulogoon” (bersikulo 18, 19).

Ang anak mihinay-hinay sa pagpanaw pauli uban ang nagsagolsagol nga mga pagbati, apan ang iyang amahan nakapanglantaw na kaniya nga nagdangrang. Puno sa kalooy, ang aman midagan sa pagsugat, migakus sa liog sa iyang anak, ug mihalok kaniya, bisan pa ang anak tingali hugaw ug baho. Sa wala pa makatapos sa iyang bug-os nga pagkompisal, ang amahan nagtawag sa iyang mga sulogoon sa pagdala sa kinamaayohan nga mga bisti

ug sa pag-andam og usa ka kumbira. Klaro nga siya nahigugma sa iyang anak adisir pa niana. Niini nga sugilanon kita nakapamati sa bug-os nga sugilanon sa kaluwasan—ang paghinulsol ug pagkompisal sa makasasala, ang Amahan nga matinguhaon nga nagahulat, ug ang mamayaon nga pag-abiabi sa dihang kita mobalik. Ang Dios nagahigugma kanato sa walay kondisyon! Apan kinahanglan kita moadto Kaniya, ingon nga ang anak mibalik sa iyang amahan. Ang gugma sa Dios mipasar sa matag pasulit! Siya dili mopakyas sa pag-abiabi kanimo.

Lamang inig uli sa anak ang amaha makabobo sa tanan niyang gugma. Lamang unya ang anak abli sa pagdawat sa tanan nga buot itanyag sa iyang amahan. Sa kataposan walay makababag sa dalan sa ilang suod nga relasyon, ug ang anak makasinati sa hingpit nga kaayo sa iyang amahan, nga wala gayud mihunong sa paghulat kaniya.

Balik sa pangutana—unsaon nato sa pagsinati sa hingpit nga kabug-os sa gugma sa Dios? Pinaagi diha sa bug-os, inadlaw nga pagtugyan kang Cristo pinaagi sa gahum sa Balang Espiritu. Ug sa dihang ang gugma sa Dios nagpauno sa atong mga kianbuhi, kita mahimong mga agianan sa Iyang gugma ngadto sa uban; ang ka mas daghan atong ihatag, ang ka mas daghan atong madawat. Si Ellen White nagaingon, “Ikaw nangihanglan og inadlaw nga bautismo sa gugma nga diha sa mga adlaw sa mga apostoles naghimo kanilang tanang nga hiniusa.” (*Testimonies for the Church*, vol. 8, p. 191).

Ug ngano man kini importante kaayo ang pagsabot niini nga langitnong gugma? “Si Pablo nakakita nga ang kinaiya ni Cristo kinahanglan pagasabton atubangan sa katawhan nga makapahigugma Kaniya o tan-awon ang krus sa mata sa pagtoo. Dinhi kinahanglan sugdan kana nga pagtuon diin mamahimong siyensya ug ang awit sa mga tinubos tadlas sa walay kataposan” (*The Acts of the Apostles*, p. 273). Daw unsa nga pagmaya nga pagatun-an ang walay-sama, daku nga gugma sa atong Manluluwas! Dili ba nimo pilion karon ang pagtutok kang Jesus?

Pag-ampo sa Pulong sa Dios

Unsa ang kinadak-ang sugo?

“Ug si Jesus miingon kaniya, “Higugmaa ang Ginoo nga imong Dios sa tibuok mong kasingkasing, ug sa tibuok mong kalag, ug sa tibuok mong salabutan.’ . . . Ug ang ikaduha sulosama ra, nga mao kini, Higugmaa ang imong silingan sama sa imong kaugalingon” (Mateo 22:37, 39).

Amahan, salamat sa paghigugma kanako. Palihog tabangi ko sa paghigugma Kanimo sa tibuok kong kasingkasing, sa tibuok kong pagkatawo, sa tanan nakong mga pagbatì, sa tanan nakong kusog. Salamat sa pagtubag nang daan niini nga hangyo sumala sa Imong kabubut-on. Gusto nako higugmaon ang akong silingan pinaagi sa Imong tabang. Himoa akong agianan sa Imong gugma.

Unsaon nato sa paghakgum ang kalalumon sa gugma sa Dios?

“Aron nga sumala sa kadagaya sa iyang himaya, itugot unta niya nga malinig-onan kamo sa gahum pinaagi sa iyang Espiritu diha sa kinasuloran sa inyong pagkatawo, 17 ug aron si Cristo magapuyo diha sa inyong mga kasingkasing pinaagi sa pagtoo; aron kamo, ingon nga mga pinagamut ug pinasukad diha sa gugma, makabaton ug gahum sa pagsabut uban sa tanang mga balaan, kon unsa ang gilapdon ug ang gitas-on ug ang kahabugon ug ang giladmon, ” (Efeso 3:16-18).

Amahan, ako nagahangyo nga Ikaw magpalig-on sa sulod kanako pinaagi sa Imong Balaang Espiritu. Unta si Cristo magpuyo sulod kanako pinaagi sa pagtoo ug giyahi ako aron ako magmalig-ong nga nakagamut dihya sa Iyang gugma. Tungod kini nga hangyo maoy pinasikad sa Imong kabubut-on, ako nagpasalamat Kanimo sa pagpamati kanako ug sa pagtubag.

Dugang Pa Nga Mga Sugyot Sa Pag-ampo

Pasalamat ug Pagdayeg: Paghatag og mga pasalamat alang sa mga tino nga panalangin ug dayga ang Dios tungod sa Iyang kaayo.

Kompisal: Paggahin og pipila ka mga minuto alang sa tago nga kompisal ug pasalamat ang Dios tungod sa Iyang pagpasaylo.

Giya: Hangyoa ang Dios sa paghatag og kaalam alang sa mga hagit ug mga desisyon karon.

Atong Iglesia: Ask God to bless the efforts of our local, regional, and world church.

Lokal nga mga Hangyo: Iampo ang mga panginahanglanon karon sa mga membro sa iglesia, sa panimalay, ug sa mga silingan.

Pamati ug Tubag: Pamati sa tingog sa Dios ug tubag diha sa pagdayeg o awit.

Mga Sinugyot nga Awit

SDA Hymnal: Faith Is the Victory (#608); My Faith Looks Up to Thee (#517); Be Thou My Vision (#547); To God Be the Glory (#341). *Other Songs:* Behold What Manner of Love; Lord, I Lift Your Name on High; I Love You, Lord.